

Sier Zuan Batista Gradenigo qu. sier
Thadio 370.803

Oficial sora i Levanti.

† Sier Iacomo d'Avanzago di sier Hiro-
nimo 736.475
Sier Zuan Morexini di sier Vetur . . 646.402

Uno di la Zonta.

Sier Francesco Pasqualigo fo capita-
nio di le galie di Alexandria, qu.
sier Vetur 452.771
† Sier Filippo Trun el Savio da terra
ferma, qu. sier Priamo . . . 720.507
Sier Lunardo Venier fo a le Raxon
Vecchie, qu. sier Moisè . . . 483.756
Sier Piero da Molin fo proveditor
sora i officii, qu. sier Iacomo
dotor 369.854

220* *Adì 2. La matina. Vene lettere di Parma di
sier Piero da chò da Pexaro procurator, ora-
tor, di 29. Zercha denari, et del marchexe di Man-
toa, di oratori mandati a Mantoa per condur quel si-
gnor, et proposte et risposte, et aspeta risposta di
quanto scrisse per le altre.*

*Da Todi, di sier Alvixe Pixani procura-
tor, proveditor zeneral, di 24. Con avisi auti
di Roma, di 13, zerca l'acordo se tratava con far
tre napoletani cardinali. Item esso Procurator do-
manda danari etc.*

*Da Fiorenza, di sier Marco Foscari ora-
tor, di 25. Colloqui hauti con quelli Signori, quali
dicono hanno inimici esser ussiti de Roma, et
venendo in qua, el campo se convegneria retrazer
sul suo Stado, et loro non voria questo, dicendo
monsignor di Lutrech doveria venir avanti etc.*

*Da Udene, di sier Zuan Moro luogotenente,
con avisi, et non potendo haver la lettera qui
non scriverò nulla.*

Fo expedito una differentia de merchadanti de
todeschi de Fontego, et fo terminà le lane siano
pesade in Fontego, *tamen* per li pesadori di Co-
mun; et de questo fo notà in Notatorio.

221 Fu poi disnar Pregadi, per risponder al pro-
curator Pexaro.

Fu posto, per li Savi, una lettera al procura-
tor Pexaro in risposta di soe, zerca il marchexe
de Mantoa, de la pratica se trala con lui, però

che Lutrech voria li desse 2000 fanti, et farlo Ca-
pitano zeneral in Lombardia in soa absentia. Hor
li rispondeno non se pol dar li 2000 fanti; ma li
daremo

Et li Savi a terra ferma, excepto sier Marco
Antonio Grimani, voleno si digi che li daremo 200
cavalli lezieri.

Et parlò prima sier Valerio Marzello et ben;
li rispose sier Marco Antonio Grimani. Poi parlò
sier Gasparo Malipiero per li Savi de terra ferma.
Et parlò el Serenissimo; li rispose sier Filippo
Trun savio a terra ferma. Andò le do opinion;
fu presa quella di Savi a terra ferma.

Fu posto, per sier Agustín Bondimier Savio ai
ordini, che 'l sia scritto al Capitano zeneral da
mar che mandi a disarmar le 4 galie de Candia,
et do altre più vecchie qual parerà a lui.

Et sier Hironimo Sagredo et sier Sebastian Zi-
gogna Savi ai ordini voleno, che sia scritto al ditto
Zeneral mandi a disarmar le 4 galie di Candia, et
sier Francesco Dandolo ch'è mexi 44 è fuora, et
sier Polo Justinian è mexi 41 è fuora.

Et non fo parlato altramente. Andò la parte:
61 del Bondimier, 104 del Sagredo et Zigogna, et
questa fu presa: una di no et 4 non sinceri. Si
vene zoso a hore 5 di nocte.

*A dì 3. La matina, fo lettere di Parma del
procurator Pexaro, di 29, hore* Di col-
loqui hauti con monsignor di Lutrech *de agendis*,
et sollicita se mandi danari, et presto presto.

Da Cassan, del Proveditor zeneral Moro,
.

Fo fato esemption per anni , a li ho-
meni de la villa de la Tomba in veronese per
haver hauto danno per l'aqua de l'Adexe, in le
persone *tantum*. 21, 0.

Da poi disnar, fo Collegio di Savi *ad consu-
lendum*, et se intese le galie di Baruto erano zon-
te in Istria.

*A dì 4. La matina. Fo Santa Barbara. Fo ca-
vado 30 nobeli a la ballota d'oro per venir a* 221*
Conseio, di numero che erano scritti.

*Da Cassan, di sier Tomà Moro proveda-
dor zeneral, di 30, con avisi di l'ussir di ini-
mici di Milan per passar Texin et andar a la volta
de Novara, et altre particolarità ut in litteris.*

*Da Lodi, di sier Gabriel Venier orator,
di 30. Come, per avisi hauti da domino Zuan Ba-
tista Spiciale e'l signor Duca par inimici habino
hauto Vegevano.*